



Aqqalu C. Jerimiassen

UKA 2025/61-1

Atassut

22. Oktober 2025

Siunissami pisariaqartitsinerup qulakkeerneqarnissaa siunertaralugu Ilisimatusarfimmi ilinniarteqarfiup illutaatalu annertusineqarneranni aningaasaqarnikkut allaffissornikkullu kingunerisassat misissorneqarnerannik imaqartumik nassuiaasiornissamik Naalakkersuisut peqquneqarnissaannik Inatsisartut aalajangiiffigisassaattut siunnersuut. Nassuiaammut atatillugu sukumiisumik misissorneqassaaq, danskit nunanilu allani aningaasaateqarfiit assigisaallu aningaasalersorneranut akuutinneqarsinnaanersut. Nassuiaat Inatsisartunut agguanneqassaaq 1. januar 2027 nallertinnagu.

(Inatsisartunut ilaasortaq, Jørgen Rosbach, Demokraatit)

Ilinniarniaritsi, ilinniarniaritsi!

Oqaaseq 80-ikkunni inunngortuusugut tassa sumiluunniit tusassallugu qaatuussarput.

Qaami taava tassa qinikkatut tamanna timitalersueqataaffiginiartigu pimoorullugu, oqaluttuarpummi qiningarpassuit partiillu tamangajammik, naalagaaffinngornissaq sukataaruttariaqavissortoq.

Taanna sinnattoq angusinnaaniarpat ilinniarsimassuseq sakkussaavoq matuersaataasoq pingaarnerpaaq.

Ilimmarfik pilersinneqareernermini ilinniartussutsikkut ilisimatusarnikkullu nunatsinni annertuumik qaffaataasoq takussutissarpassuaqarpoq, tassami bacheloritut candidatitullu naammassisartut nunatsinni ikigisassaannegeaat.

Ilisimatusarnek allallumi ilinniakkat eqqarsaatigalugit, inissaqarniarnikkullu unammilligassat annertusigaluttuinnartut, nuummilu inissameernerujussuaq piutillugu, suliaasarput ila annertoqaaq. Ilinniartummi uani ilimmarfiup allisarneqarnerinnaatigut aaqqiivigineqarunnanngimmata, naalakkersuisullu akissutaat eqqarsaatigalugu, ukiuni qaninnermi ilinniartuusartut 900-junut qaqinissaat allaat missigerneqarsimappat, uani ilinniartuup illutaa kisiat piunnaarlugu, ilinniartulli ineqartinnerisigut killiffiittaaq tamarmik isigineqartariaqarput.

Qujanavissumilli naalakkersuisut akissuteqaamminni tamanna erseqqilluinnartumik nassuiarpaat, taannaavorlu maanna annerusumik naalakkersuisugut qaavatigut suliakkeqqinngikkaluarlutigit malinniagassarput ataatsimoorutassarpullu.

Siunnersuuteqartup siunertaa paasinakuttoorpoq, naalakkersuisulli siunnerfeqareersimanerat annerusumik isigisariaqarparput, 2026-ip naanerani siunnerfeqarnerat paasinakuttoorpoq.

Taamaattumik Atassummiit taamatut oqaaseqarluta, siunnersuummi naalakkersuisut siunnersuutaat ilalerlutigit ataatsimiitsitaliakkoqqaanngikkaluarlugu aappassaaneerneqarnissaa innersuupparput.